

Tutu e táxnūu San Júdā

Taxnūu Júdā ntiusi

¹ Xu'u e Júdā ú ne, ña kade tsiñu iña Jesúcrístú u, ni ēní Santiaú u. Taxnūu ú tutú sa'a iña un ntíí ntíí ña'a, ña e kána Xuva kō tsi dóo kuínima ñá ña, ña é ñū'u nta'a Jesucristu. ² Na ntuntā'ví ini Xuva ko ntō. Na tā'xi ña e dóo va'á koo kuntoo nto nī e dóo kuinima ñá nto.

Ña ntánañē'é dovete (2 Pedro 2:1-17)

³ Ntō'ó ení ko e dóo ntio kó, dōó ntio kó taxnūu u tú'un iña nto nté ō nakáku o nta'a Xuva kō. Ntá tsi sá'a kantio ko é ka'án u ni nto ve, tē koó ntii nto nada'an ntō tú'un e kuínti'xe nto, ñi tsi tú'un é uun ito tsi xé'e Xuva kō é kūtuni ña ntáduku ntée ña. ⁴ Tsi íō ñá'a e ntáki'vi xu'u ña mi ntánataká nuu ntó, ñi ñā é nte dí'na uve na'a kaká'an tú'un Xuva ko iña ña tsí da mií é nī'i ña é ntō'o ña. Ntáka'an ña tsí da xé kade ka'nu iní Xuva ko ni ko kuētsí kō ne, kuvi vii o da nēé ka nuu i é kīni kaa. Ntáka'an ntée ña Xuva ko nī Tó'o ko Jesūcristu, ntáka'an ña tsí ña te nuu é ntaā i é Xuva ko ñā.

⁵ Ntio ko é na nānu'u ntó iní nto ve, kuān te nte éma tsi ini vá'a nto tsí Xuva kō ne, nākākú ña un ntíí ntíí ña Israeé san dā nantii ña ña ñūú Egitó ne, ntá tsi da rkontúví nantí'i ña ña'a san, ña é ña ni kuínti'xe i. ⁶ Ío ánĵē dī é ña ni de ntáa ña tsiñu ña, tsí xtuvī mii ña mí kāduku ntée ña. Nátsu'un kutu Xuva ko ñā mi dóo nee un tsi da nté xee ntúvi é xntēkú ku've ñá iña ñúxivi sa. ⁷ Kuan ō kúvi nī ña ntoo ñūú Sodomá, ni ñūú Gomorá, ni tūku ñuu é ntoo etsin íkān dī. Ná te da dīi nuu i é kīni ntaa de ñá ni ñadī'í san. Dōo dé ña é kīni kaa ni tuku ñatíí san dī. Un vá'a tsi ntánto'o ña ve mí kai'xi ñū'u ntii ña nuu. Koto nto ña vata koo é ña kuan koo víi nto vatā o dé ña.

⁸ Ña kini ntáa san, ña é ntoo ni'i ntō né, kuān ó de ña di, tsí vata tsi tē ñuu éni kán ntoo ña, ntáde ña nī kúñu ñā nuu i é kīni ntáa. Ña ncho kuinti'xe ña Xuva kō ne, ntáka'an kīni ña iña ña ntáde tsiñu e dukún kán. ⁹ Ntá tsi ánje, ña odo nūú san, ñá nani Mīgeé ne, dā ntánāa núu ña nī tó'ō e ña vá'ā san kuenta iña kúñu Muīsee dá xi'i ñá ne, ñá ni kene inī ña é kā'an ña tú'ūn é kini kaa ni ñā, tsí da mii tsí é kākā'an ña: “Xuva ko na tā'xi ña o é ntō'o o”, ka'an ña. ¹⁰ Ntá tsi ña sāl'á ne, dōó kinī ntáka'an ña iña un ntíí ntíí nuu i é ña inī ña. Ntá tsi nuu i é inī kúñu ña, vatā ó inī kiti sán ne, núu i sā'a e ntánakunaa tsí mii ñā kúñu ña.

¹¹ ¡Ña ntá'vi de ntu ña kuān ntáa san! Ntáde xení ña ni tā'an ñá vatā o dé Caiín san. Ntáde ña vatā o dé Balaán san, ña é doto tsi íde vata koo é nī'i ñá diu'un. Ntáka'an ntée ña ña odo nūú iña ñá vatā o dé Coreé san ne, kuān koo ni'i ñá doxi'í san di. ¹² Dōó kinī o ntáde ña kuān ntáa san da ntánataká nuu nto é kā'xí dadíí nto ni tā'an nto da ntáde nto viko é kuinima tá'an kō. Ña sāl'á ne, ña te ntákuka'an nuu ña e dóo kue'e ntaído ña é kā'xi mii ña ne, ña te ntáde ña kuenta te xee tá'an é kā'xí ta'an ña. Vata ntáa viko nu'u é ña te kakín daví san, e dá kantavá ni tãtsín san, ntáa ña. Vata ntáa utun é ña kakí kiti i ntáa ña. Vata ntáa utun é xi'í kue'en ne, kitú'un dítsin i ntáa ña di. ¹³ Vata ntáa ntute ñū'u e dóo kaido ntáa ña. Ntaéte xaa ña nuu i é kīni kaa e ntáde ña vatā ó kaeté xaa ntute ñū'u san tiñu i. Vata ntáa xntivi e ntaíka xaa ntáa ña, é kī'in ña é kuntōo ña mí e dóo nee kue'én san ntii dañu ntūvi.

¹⁴ Enoo, i'xá ika Ādaán san é kuvi ū'xe ne, kaka'an ñá naa Xuva ko dá kākā'an ña iña ñá sa'a kídaā: “Iní u tsi vé'xi Xuva ko, nī ñá te da dii da dí míil ánje ña. ¹⁵ Xntēkú ku've ñá iña un ntíí ntíí ña ntántoo ñuxiví sa. Ka'an ña tsí un ntíí ntíí ña é kinī ntáa san ni'i ña é ntō'o ña kuenta iña i é un ntí'í é kīni kaa é edé ña, vatā ó ntio nima kīni ntáa ña. Ní'i ñā é ntō'o ña iña tú'ūn é kīni ntáa é ka'an kīni ña iña Xuva kó di”, ka'an ña. ¹⁶ Ña sāl'á ne, é un ntí'í ntátsi'i kuétsi ña. Ntáka'an ntée ña da neé ka ntí'i nuu i. Da mii tsí é ntio ña é káde kueni kinī káa ña. Ntáka'an ñá tsí dóo ka'nu ña'a ña. Kaka'an va'á ña ni ña'a san dá kataan nuu

ña.

Nté koo vii ña ntákuinti'xe i san

¹⁷ Ntá tsi ñi ñi nto, tā'an kó e dóo ntio kó, naka'an nto tū'un e ntáka'an pústru Tó'o ko Jesūcristu ¹⁸ da ntáka'an ñá ni ntō: “Tē xee ntúvi é doko sa ntí'í ñuxiví sa ne, ki'xi ña ntánarkínteē ñá nuu i é vā'a. Vií ña vatā ó ntio nima kíni ntáa ña”, ka'an ña. ¹⁹ Ña sá'a ne, ntáde ña é nāa nuu ña ntákuinti'xe i san ni tā'an ña. Ntáde ña vatā ó ntio nima kíni kaa ña, tsí ña tuvi Espíritū Sántū san nuú nima ña.

²⁰ Ntá tsi ñi ñi nto, tá'an ko e dóo ntio ko, díí díí ka kutú've nto iña Xuva ko vata koo é díí ka vá koo kuinti'xe nto ña. Kantá'vī ntó vatā ó kaxntii Espíritū Sántū san nto é kā'an nto. ²¹ Kuinimá ka nto Xuva ko vatā ó kakuinima ñá nto. Kuntetu nto ntuvi dá ta'xi Tó'o ko Jesūcristu é kuntuo o ni ña ntii dañu ntúvi, tsí kantuntā'ví ini ña kō.

²² Na ntu ntā'ví ini nto ña'a, xoo é vāta kuinti'xe vá'a i. Ká'an nto ni ña te kuinti'xe ña é nuu é ntaā i. ²³ Ío tuku ña'a ne, nakákú nto ña, natavā ntó ña mé'ñū ñu'u. Na ntuntā'ví ini nto ña, kuān té nte ña ncho tñin ntá'a nto dōo ña é kudentu ni nuu i é kíni ntáa e ntáde ña. Koto nto tē ña kuan koo vií nto vatā ó de ña.

Ká'an ō tsi dóo ka'nu Xuva kō

²⁴ Tó'o kō né, na xntii ña ntō vata koo é ña kó'xo nto nuu i é kíni kaa. Na ntāvá'a ña nima ntó vata koo é ña tuví ka kuétsi nto tē xee ntó nta'a ña. Ná tē nté kaa ka'nu kuiní nto te ini nto ña, é un tsi kaxi'í nuu ka'nu ña. ²⁵ Uun tsi Xuva kō e dóo ki'in iní ña. Ñi ña é nakáku ña ko kuēnta iña Tó'o ko Jesūcristu. Ká'an ō tsi dóo va'á ña, tsi dóo ka'nu ña'a ña. Ká'an ō tsí ñi ñi ña é odo nuū ñá kade kú've ña, tsí kúvi vií ña é un ntí'í. Kuan ō dé ña nte dí'na ne, kuān ó de ña veví di ne, kuān koo vií ña ntii dañu ntúvi. Kuan tsí koo é kā'an u ni ntō.

Tū'ún xuva kō vatā ó ntáka'an ña ñuú Coatzospan
 New Testament in Mixtec, Coatzospan (MX:miz:Mixtec, Coatzospan)
 copyright © 2003 Wycliffe Bible Translators, Inc.

Language: Mixtec, Coatzospan

Translation by: Wycliffe Bible Translators, Inc.

Copyright Information

© 2003, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, Coatzospan

© 2003, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30
